



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

47. De 3. verbo ad Matrem.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

alter relinquetur. Valer hoc, ut nemo, quamvis maximus peccator, desperet, quin aliquando possit converti: contra verò, ne quis licentiosè vivens, præsumat. Gratulata est Virgo Mater, quod Filius in eo articulo reperisset defensionem, quodque referari cœli januas ea die tandem audiret.

MEDITATIO XLVII.

*Tertium Christi verbum, commendat
Matrem Joanni.*

PUNCTUM PRIMUM.

Stabat juxta crucem Jesu Mater ejus, cum Ioan. 19.
mulieribus & Joanne, Ita videlicet, quo 25.
quis Christum magis amat, propior fit cruci, & Quis propior cruci?
illius particeps esse cupit. Accessit Virgo intrepida, non verita contumelias & vexationes: & B. Virg. Com-
illa duce, Joannes, & aliæ mulieres sunt ausæ. passio.
Non magis corpore accessit, quàm spiritu, quo fuit Christo confixa tribus clavis, nempe vehementi apprehensione pœnarum illius, amore ardentissimo, & compassione tali, ut spinæ, flagella, clavi, & reliqui cruciatus Filij, animum Matris perinde affligerent, ac si in corpore suo illos omnes excepisset. Ut verè Martyr Martyrum, sicut Virgo Virginum dici debeat. Nam & optavit omnia pati, & passa est per vehementem compassionem. O imiter ego, affligendo

gendo carnem meam; & animam, per abnegationem appetitionum, & desiderium patiendi, castigando!

PUNCTUM II.

III.
Verbum
est solli-
citudi-
nis suo-
rum. Jo-
annes B.
Virgini
in filiū
datur.

Curam gerit Matris inter dolores & opprobria: sic nunquam officium deserendum. Ait autem: *Mulier, ecce filius tuus.* Non vocat matrem, ut nec aliās sollicitus: tum, ne blando nomine magis eam percellat: tum, ne carni indulgere videretur, qui totus esset in Patris voluntate implenda. *Ecce filius tuus.* Joannem ostendit. Is tibi pro filio erit, loco mei; tuūque curam geret: sed & tu pro filio eum habebis, ut & reliquos meos Apostolos, confirmando ipsos maternā providentiā. Quid Virgo Mater sensit, quando pro Jesu Joannem suppleri audijt & proh, quā dispar commutatio! sed & verba illa: *Ecce filius tuus*, aliter accepta representant Matri ipsum Jesum usque eō mutatum à suo decore. Ecce, is, quem à Spiritu Sancto concepisti, Virgo, ille Filius Altissimi, ille regnaturus super solium David, ille *speciosus forma*, & talia multa. Commendavit sub eodem verbo nos omnes Christi fratres per gratiam, in tutelam Matri suæ.

PUNCTUM III.

B. Joannes accipit B. Virginem in Matrem

Joanni autem dixit: *Ecce mater tua.* Hanc ama, observa, juva, ut Matrem. Verba Christi sunt efficacia, perficiuntque, quod dicunt: ac
ita

ita Joannes spiritum filij erga B. Mariam corde concepit & exhibuit. O mihi dari petam, ut bene mihi sit. Potissimum Joanni commendavit Matrem, ut Virginem Virgini, & quia Joannes ad crucem usque adhæsit Christo: ita castimonia & imitatio patientis Christi idoneos faciunt tali filiationi. *Et ex illa hora accepit eam discipulus in sua*, lætus tali munere: tum quia à Magistro veniebat: tum quia servire tali Matri gloriosissimum ducebat.

MEDITATIO XLVIII.

De tenebris & quarto verbo.

PUNCTUM PRIMUM.

A *Sexta hora tenebræ factæ sunt super universam terram, usque ad horam nonam.* Factum id est à Deo, ad detestationem sceleris, quò justitiæ soli vitam impij adimebant; atque ad significandum quantænam sint interiores cordis tenebræ improbæ gentis, & exteriores, quibus erat addicenda, ob tantum nefas.

Deinde, ut tanto prodigio clarificaretur Christus, cujus mortem sol lugeret, luctûque terram operiret, & utique exterriti malevoli, cessarent interea à subsannando vexandoque Domino. Tandem voluit ipse Christus, per silentium tenebrarum, recipere sese ad orandum, ut aliàs per noctem solitus erat, causamque nostram, & extremum illum actum Patri instantiùs commendare, ad exemplum nobis. Quale quid

Causæ
tenebra-
rum.

1.

2.

3.